



## BONO-MATERIAL

Consideracións xerais para tódalas seccións.

1. Cada punto equivale a 1 euro canxeable por material do catálogo de roupa. Nunca poderán ser canxeados polo equivalente en metálico.
2. Os puntos lógranse pola participación nas probas. O deportista debe aparecer na clasificación oficial da proba co tempo total invertido ou como NF (Non Finalizado) se sufriu algún percance que lle impediou completar a proba. Aqueles deportistas que figuren como NP (Non Presentado) non sumarán puntos para o bono material. Ademáis sufrirán penalización se a falta non está debidamente xustificada.
3. Soamente se terán en conta as probas que figuren no calendario da FEGATRI para a correspondente tempada.
4. Os deportistas terán que figuren como membros do Club Triatlón Arcade Inforhouse Santiago e cumprir as normas respecto a equipación. Deben utilizar a equipación oficial do club para competir e a indumentaria axeitada para subir o podium no seu caso.
5. A publicación da lista oficial dos puntos obtidos polos deportistas terá lugar cando finalicen as probas do calendario da FEGATRI. (finais de Setembro-Outubro). Enviarase ós deportistas por e-mail e colgarase unha copia no local do club para que a súa consulta.
6. A partir dese momento se o deportista mantén a súa vinculación co club formando parte da escola ou dun dos grupos do adestramento pode canxear os puntos. Nos demais casos soamente se poderán canxear os puntos a partir da data na que se tramite a licenza deportiva co Club Triatlón Arcade Inforhouse Santiago para a seguinte tempada.
7. Os puntos non son acumulables. Finalizada a tempada seguinte da súa obtención quedarán anulados.

### A. Sección Escola

No caso das categorías escolares entre prebenxamin e cadete, ambas incluídas, cada triatleta obterá 2 puntos pola participación en calquera das probas que figuren no calendario da FEGATRI sexan Duatlon, Triatlón ou Nada e Corre.

No caso dos cadetes que poidan participar nas probas do circuíto galego de duatlón e triatlón ou probas populares aplicarase as mesmas normas que ós deportistas da sección de tecnificación.

### B. Sección Tecnificación

Nas categorías junior e sub 23 asignaranse 2 puntos pola participación en calquera das probas que figuren no calendario da FEGATRI nas que o deportista asuma o custo da inscrición. No caso que o club pague a inscrición o deportista recibirá 1 punto pola súa participación.



CLUB TRIATLÓN ARCADE INFORHOUSE SANTIAGO  
TEMPADA 2017



**C. Sección Grupos de Idade**

Os deportistas que tramiten a licencia como grupos de idade recibirán 1 punto cada participación representado o club en probas de calquera das modalidades: Duatlón, cross ou estrada; Triatlón, cross ou estrada en distancia Sprint, Curta, Media ou Longa distancia xa sexan do circuío galego, probas populares e demais probas que figuren no calendario da FEGATRI. Nos casos en que o club abone a totalidade da inscrición quedan excluídos da bonificación por puntos para o bono material.

**D. Sección Élite**

Para os deportistas considerados elite A carece de sentido o bono material polo que quedan excluídos. Sen embargo os deportistas do grupo elite B acumularán puntos pola participación en competicións que figuran no calendario de FEGATRI nas que o deportista asuma o custe da inscrición. No caso de que algún deportista o longa da tempada, por requirimento do club, pase o grupo elite adquirindo os mesmos dereitos que estes deixará de computar puntos para o bono material.

**8. Penalización.** O feito de non presentarse as competicións nas que o club asume total ou parcialmente a cuota de inscrición restará 2 puntos. Nas probas en que o club xestiona a inscrición aínda que o deportista pague o total da cuota de inscrición restará 1 punto. Non se aplicará a penalización si a falta é xustificada e se comunica ó club ou os adestradores o antes posible.

En Santiago de Compostela, a 27 de decembro de 2016.

Xunta Directiva

Club Triatlón Arcade Inforhouse Santiago